



Atassut  
Siverth K. Heilmann

30. september 2021  
UKA 2021/121

**Uunga siunnersuut: Utoqqalinersiaqarneq pillugu Inatsisartut inatsisaata aamma  
Siusinaartumik pensionisiat pillugit Inatsisartut inatsisaata allanngortinneqarnerat pillugu  
Inatsisartut inatsisaat  
(Isumaginninnermut Sulisoqarnermullu Naalakkersuisoq)**

Utoqqalinersiaqarneq Siusinaartumillu pensionisiaqarneq pillugu Inatsisartut inatsisaata allanngortinneqarnissaanut Naalakkersuisut saqqummiussaqarnerannut qujanaq, imatullu Atassummiit oqaaseqarfingissavarput.

Atassummiit qangaaniilli utoqqalinersiutilik aningaatigut pisartagaasa malunnaatilimmik qaffaavagineqarnissaat kissaatigisarsimavarput, isumpulli malillugu annikitsuinnarmik alloriartarsimavugut. Nuna namminiivilivikkusuttoq manna tikillugu sulisussanik amigaateqaraluarluta avataaniit tikisitsisariaqartarnerput akuersaartariaqarsimavarput.

Nunatsinni assaat tamaasa atorfissaqartillugit politikkikkut oqaasinnaarineqarpoq, taamaattoq utoqqalinersiutilik aalisartuuguni nunamiluunniit sulilaarsimappat isertitaqalaarsimappatalu utoqqalinersiutaannik ilanngaartuunneqartarput. Sooq inuk peqqissoq sulerusuttorlu ilanngartuunneqarani isertitaqarsinnaanera akileraarnermikkut sunniuteqarusuttut periarfissinneqassanngillat. Politikkikkut aaqqissuussinigut imminut ataqtatgiinnerusariaqarneri pillugit suliniutaasariaqarnerinik Atassummiit anguniagaqarnerput paasineqarnerusariaqarpoq.

Taamatut oqaaseqarluta siusinaartumillu pensionisialinnut aaqqiiniarnerit Naalakkersuisunit saqqummiunneqartoq tunngaviatigut Atassummiit taperserlugu, piumasarisavarput suliap aappassaaneerneqartigani ataatsimiititaliami susassaqartumi oqaaseqaatitta kaammattuuteqarnerpullu ilanngullugit inatsisartuni Naalakkersuisunilu eqqarsaatigineqalereerumaartut. Ataatsimiititaliaq sulilluarnissaannik kissaapparput.

Qujanaq.